



Rimnada sistemica da dretg communal dalla vischnaunca da Sagogn

Nummera **210.02**

Tetel **Lescha per il diever da localitads**

Ediziun Ediziun dils 02.12.2005
Remplazza lescha dils 28.02.1985

Valeivel 01.01.2006

Remarcas preliminaras

Ord motivs da simplificaziun serefereschan indicaziuns da persunas, funcziuns e mistregns en questa publicaziun uffiziala mintgamai sin omisduas schlatteinas, expriu ch'ei vegn menziunau explicit zatgei auter.

Davosa correctura informala 10.03.2024 tras Thomas Candrian

Cuntegn

| | |
|---|----------|
| I. Determinaziuns generalas | 3 |
| II. Organisaziun | 3 |
| III. Diever regular | 5 |
| IV. Diever special ed arranschaments | 6 |
| V. Taxas | 7 |
| VI. Stipulaziuns generalas | 8 |
| VII. Determinaziuns finalas | 9 |

(Sebasond sin la constituziun communal; a. i. art. 28, lit. 2)

I. Determinaziuns generalas

Principi

Art. 1

¹ Sebasond sin quei reglament metta la vischnaunca da Sagogn a disposiziun localitads da vischnaunca e diversas apparaturas sco era plazz da giug per diever en emprema lingia dil menaschi da scola.

² Ulteriuramein duein las localitads era saver vegnir nezegiadas per diever cultural, sco p.ex. seras da divertiment, concerts e representaziuns.

³ Las uniuns, ils arranschaders ed organisaturs en vischnaunca han la preferenza.

⁴ Damondas per il diever dallas localitads ni parts da quellas ein d'inoltrar cun ils formulars usitai (a scret) alla pedella/al pedel per mauns dalla suprastonza communal. Lezza decida davart las damondas inoltradas.

Occupaziun

Art. 2

¹ L'administraziun communal meina per las localitads in plan d'occupaziun ch'ei ligionts per tut ils utilisaders.

² Occurrenzas d'interess superieur sco p.ex. radunonzas communalas, exposiziuns ed activitads specialas dallas scolas han prioritad.

³ Ils utilisaders resp. organisaturs ch'ei nudai el plan d'occupaziun ston vegnir orientai ad uras davart ina tala occurrenza.

II. Organisaziun

Responsabladad **Art. 3**

¹ Il suprastont dil ressort da scola ei responsabels per l'occupaziun dallas localitads da vischnaunca.

² Ils utilisaders portan en scadin cass tutta responsabladad per lur activitads en connex cun la lubientscha per il diever dallas localitads.

Dispeta

Art. 4

¹ En cass da dispeta concernent il diever dallas localitads decida la suprastonza definitivamein.

Damondas

Art. 5

¹ Damondas per il diever regular (digl onn vegnent) ston vegnir inoltradas tochen la fin digl onn da scola (current).

² La pedella/il pedel rimna ils giavischs inoltrai e fa per il diever regular in sboz dil plan d'occupaziun.

³ En cass da damondas a cuort termin sa la pedella/il pedel dar la lubientscha, sche las localitads giavischadas ein libras. Ella/el informescha il suprastont responsabel.

⁴ Damondas per seras da divertiment, exposiziuns, cuors, arranschaments, occasiuns specialas, etc. ston vegnir inoltradas alla pedella/al pedel cun il formular uffical, e quei aschi baul sco pusseivel, mo sil pli tard in meins avon.

⁵ Per reglar il diever dallas localitads san tut ils responsabels dallas uniuns vegni clamai ad ina radunonza da coordinaziun che ha liug el decuors dil meins settember. Il suprastont responsabel convochescha quella sesida.

Lubientschas

Art. 6

¹ Las lubientschas per il diever regular vegnan dadas mintgamai per in onn.

² La confirmaziun dalla damonda (lubientscha) duei vegnir dada tochen l'entschatta digl onn da scola.

³ Las lubientschas san vegnir colligiadas cun cundiziuns specialas. Ei exista negin dretg per la renovaziun d'ina lubientscha.

III. Diever regular

Uras da diever

Art. 7

¹ Ils utilisaders san far diever dallas localitads generalmein tochen las 22.30.

² Las localitads ein da bandunar sil pli tard 1/4 ura sunter ils exerchezis.

³ Per ordinari ein las localitads serradas per las uniuns:

- a) las dumengias ed ils firaus
- b) ils ulteriurs gis sunter las 22.30
- c) denter Nadal e Daniev e duront las vacanzas da stad

Survigilanza

Art. 8

¹ Arver e serrar las localitads ei exclusivamein l'obligaziun dils caus dall'uniun ni dall'organisaziun. La pedella/il pedel controllescha periodicamein las localitads ed annunzia eventualas constataziuns all'administraziun communal.

Urdeins

Art. 9

¹ Ils urdeins da gimnastica (mattas, lattas da siglir, barras, cavais, bucs, etc.) astgan buca vegnir runai entuorn. Il transport e diever da tals ha da succeder cun ils mieds prevedi.

² Ils urdeins dalla halla astgan buca vegnir duvrai ei liber e sin piazzas da giug. Il suprastont da scola ni la pedella/il pedel decidan arisguard excepziuns.

³ Lis cundrezs technics (regulatur da pegnas, scaffa da segironzas, etc.) astgan mo vegni manipulai dalla pedella/dil pedei ni d'ina persuna cumpetenta che ha l'autorisaziun.

Calzers

Art. 10

¹ Per exerchezis da gimnastica e sport astga vegnir purtau sulettamein calzers da gimnastica che ni donnegian ni tschufrognan il plantschiu.

² Medemamein astgan calzers che vegnan purtai ei liber buca vegnir duvrai ella halla.

Munconzas

Art. 11

¹ Munconzas ni donns constatai ni caschunai ein d'annunziar immediat alla pedella/al pedei cun il formular prevediu.

IV. Diever special ed arranschaments

Surdada e
surdada e
surprendida
dallas localitads

Art. 12

¹ Las localitads duvradas per eveniments unics vegnan surdadas cun in protocol entras ina persuna responsabla dall'administraziun communal.

² Las ordinaziuns da quella persuna ein da suandar e d'exequir. Alla fin digl arranschament pren la persuna responsabla investa dallas localitads duvradas e rapportescha tenor il protocol da surdada.

Donns

Art. 13

¹ Eventuais donns ein dad annunziar all'administraziun communal per mauns dalla suprastonza.

² L'administraziun communal sa incaricar impressaris cun la reparatura dils donns caschunai. Il cuosts vegnan adossai agl organisatur digl arranschament.

Mobilier e
tribuna

Art. 14

¹ Igl organisatur ei sez responsabels per endrizzar las localitads. Quei sto succeder conform alla lubientscha resp. en cunvegnientscha cun la persuna responsabla dalla vischnaunca.

² Tut il mobilier ei dad allontanar immediat suenter che las produziuns ein finidas e quei conform alla lubientscha resp. en cunvegnientscha cun la persuna responsabla dalla vischnaunca.

Diever digl
inventari

Art. 15

¹ La vischnaunca resp. las uniuns mettan a disposiziun divers inventari. El sto vegnir tractaus cun quitau.

² Igl inventari surdau sto vegnir controllaus cura ch'el vegn returnaus. Munconzas digl inventari vegnan indossadas agl utilisader.

Ustria

Art. 16

¹ Auter che per il diever da gimnastica e sport sto il plantschiu dallas hallas vegnir curclaus cun il material prevediu (linoleums, etc.) che stat a disposiziun.

² Era igl inventari da cuschina sto vegnir surdaus e returnaus alla pedella/al pedel.

³ Per il menaschi d'ustria valan las prescripziuns dil reglament d'ustria dalla vischnaunca. Quel vegn era aschuntaus alla lubientscha.

Schubergiar

Art. 17

¹ Tut las localitads duvradas ein da schubergiar e da returnar schubras ed en uorden. Il medem vala era sch'igl ei vegniu fatg diever dil contuorn.

² Cass cuntrari annunzia la pedella/il pedel las munconzas all'administraziun communal. La suprastonza adossescha ils cuosts per schubergiar agl utilisader resp. sa incaricar sin donn e cuost digl organisatur ina interpresa da schubergiar.

V. Taxas

Principi

Art. 18

¹ Uniuns, societads e gruppas dil vitg han da principi da prestar neginas contribuziuns per il diever dallas localitads.

² Buca deliberai da contribuziuns ein arranschaments, per ils quals igl organisatur generescha in recav.

³ Igl organisatur dalla sera familiara paga en scadin cass neginas contribuziuns.

Taxas da diever

Art. 19

¹ Las taxas per il diever dallas localitads communalas vegnan fixadas entras la suprastonza communal. La gliesta corrispundenta sa vegnir retratga dalla canzlia.

² Las taxas vegnan fixadas mintgamai per in onn calendar.

Occurrenzas
d'util public

Art. 20

¹ En cass specials, principalmein per arranschaments d'unions e da gruppas cun intents d'util public, sa la suprastonza communal relaschar las taxas per part ni era dil tuttatafag.

² Medemamein sa la suprastonza era stipular cundiziuns e contribuziuns supplementaras per arranschaments extraordinaris cumpigliai cun pli grondas expensas d'energia, per restabiliments e per occurrenzas da gener privat.

Uniuns
d'ordeifer

Art. 21

Uniuns d'ordeifer pagan sin tut las taxas in supplement da minimum 250%.

VI. Stipulaziuns generalas

Principi

Art. 22

¹ Igl ei dad haver quita dallas localitads, da tener uorden e da spargnar aua ed energia.

² Era duront l'utilisaziun dallas localitads eis ei da tener serrau l'escha e da stizzar tut las cazzolas buca necessarias.

Fimar

Art. 23

¹ Da principi eis ei scumandau strictamein da fimar en tut las localitads da vischnaunca.

² Excepziuns san vegnir prevedidas en connex cun organisaziuns, festivas ni concerts, sche las leschas ni directivas superiuras prevedan buc enzatgei auter. La permissiun da fimar sto figurar expressivamein ella lubientscha per igl arranschament.

³ Ils organisaturs ni utilisaders ein obligai da metter a disposiziun tschenders avunda en halla sco era el contuorn.

Clavs

Art. 24

¹ Il diever dallas clavs ei reglaus egl uorden da clavs che vegn relaschus dalla suprastonza communal.

² En scadin cass ha mintga utilisader dallas localitads il dretg da silmeins ina clav.

³ L'administraziun communal resp. la pedella/il pedel ein responsabels per la repartiziun e la restituziun dallas clavs.

⁴ Davart excepziuns ni dispetas decida la suprastonza communal definitivamein.

Parcadi

Art. 25

¹ Igl ei scumandau da parcar vehicheis sil plaz da scola e da giugs. Velos e velos a motor ein da deponer davos la casa da scola.

² Excepziuns ein stipuladas en la lubientscha per igl arranschament.

Midadas

Art. 26

¹ Sch'in arranschament ha buca liug ni sch'ina reservaziun per pli liung diever vegn midada, ei quei d'annunziar ad uras alla pedella/al pedel.

Uordens

Art. 27

¹ Uordens ni directives completeschan quei reglament. Els vegnan relaschai dalla suprastonza communal.

VII. Determinaziuns finalas

Responsabladad **Art. 28**

¹ La vischnaunca da Sagogn refusescha scadin responsabladad visavi tiarzas personas. Las uniuns resp. ils organisaturs ein responsabels per tut ils donns caschunai entras tiarzas personas.

² La suprastonza sa pretender digl organisatur en connex cun la lubientscha in'assicuranza da responsabladad.

³ La nunenconuschientscha da quei reglament excluda buca la responsabladad.

Responsabladad per donns **Art. 29**

¹ Ils organisaturs ein responsabeis per tut ils donns caschunai vid baghetgs, indrezs, mobillas, requisits, urdeins, instruments, etc.

² Tals donns ein da protocollar a caschun dalla surdada dallas localitads entras la persuna responsabia dalla vischnaunca.

Disposiziun penala **Art. 30**

¹ Ad organisaturs che risguardan buc igl uorden e las ordinaziuns dalla suprastonza, dalla pedella/dil pedel ni dalla persuna responsabla dalla vischnaunca san ulteriuras lubientschas da diever vegnir refusadas, resp. la lubientscha valeivla retratga immediatamein.

² Quei succeda entras ina disposiziun dalla suprastonza communal.

Abrogaziun **Art. 31**

¹ Quei reglament remplazza "Il regulativ per il diever da localitads da scola, salas, halla da gimnastica e plazz entras uniuns e privats, dils 28 da fevrer 1985" ed autras disposiziuns existentas en caussa.

Vigur **Art. 32**

¹ Quei reglament entra en vigur igl 1. da schaner 2006 suenter l'approbaziun entras la radunonza communal dils 2 da december 2005.

| | | | |
|--|--------------------|------------|------------|
| Ediu tras | gruppa da lavur | | |
| Acceptau tras | radunonza communal | ils | 02.12.2005 |
| Controllau tras | | | |
| Publicaziun officiala dalla vischnaunca da Sagogn. | | | |